

Protocol no. 41**Sezzüda da lündeschdi, 30 november 2009, 19.30 – 23.00**

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Invidats: Cumischiun sindicatoria: Andri Lansel e Cla Sarott
Silvicultur: Mario Riatsch

S-chüsà: Domenic Augustin

351 9 FINANZAS ED IMPOSTAS
Preventiv cumünal 2009

Il Cussagl cumünal repassa insembel culla cumischiun sindicatoria e'l silvicultur cumünal il preventiv e discuta las cifras decasteri per decasteri. Il capo ed ils schefs dan spiegaziuns detagliadas sur da tschertas posiziuns. Dürant la lecziun dal preventiv vegnan fattas ün pèr correcturas ed adattamaints. Quels vegnan integrats aint il preventiv. Andit da discussiun ha dat l'otezza dal pè d'impostas. Il Cussagl cumünal decida da propuoner a la radunanza cumünala da sbassar las impostas per 10 % sün nouv 120 %. Ils preschaints propuonan a la radunanza cumünala da far bun il preventiv pel 2009.

Preventiv d'investiziun 2009

Il Cussagl cumünal repassa eir il preventiv d'investiziuns e piglia incunter las spiegaziuns, per part fingià detagliadas, dals schefs dals departamaints. I vegnan fattas correcturas ed adattamaints. Ils preschaints propuonan a la radunanza cumünala da far bun il preventiv d'investiziuns pel 2009.

Il capo orientescha a la cumischiun sindicatoria cha culla müdada da la constituziun sun investiziuns büdschettadas e fattas bunas da la radunanza sancziunadas per tillas realisar. Quist sistem es uossa nouv per Sent, però üsità in Grischun. Las investiziuns previssas vegnan dürant la radunanza dal preventiv decleradas plü in detagl.

La radunanza da büdschet ha lö als 17 december 2009.

La cumischiun sindicatoria e'l silvicultur as absaintan.

Protocol

Il protocol no. 40 da la sezzüda da 23 november 2009 vain approvà.

352 021

FABRICA

Alessandro Conti Puorger – Abitaziun nouva – Avant Baselgia

Il Cussagl cumünal decida da dar il permiss per far la lavur seguaintamaing:

1. Tenor la dumonda acclusa al permiss da fabrica
2. Il Cumün inchascha seguaintas taxas tenor il reglamaint da taxas e sia aggiunta:
 - taxa da trattamaint fr. 100.--
 - taxa d'attach d'aua, prov. 1.5 % fr. 1'500.--
 - taxa d'attach chnalisaziun e sarinera, prov. 2.0 % fr. 2'000.-- excl. ipv.
 - taxa d'attach provedimaint electric, prov. 1.0 % fr. 1'000.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
4. Tenor art. 46 pt. 3 LF sto il patrun da fabrica pajar üna taxa da cumpensaziun per üna piazza da parcar i'l import da fr. 7'225.-- (index zürigais da fabricats per abitar 136.2 puncts)
5. L'abitaziun vaglia sco 1. abitaziun e l'annotaziun aint il cudesch fundiari vain fatta correspondentamaing.

L'actuar: